



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-259-4/21**
Datum: **01.07.2021. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „BENS - ES“ d.o.o. Cazin, za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Donja Koprivna, Grad Cazin, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola pravnom licu „BENS - ES“ d.o.o. Cazin, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Donja Koprivna, na zemljištu označenom kao k.č. broj: 107/1 K.O. Cazin (podaci novog premjera), odnosno k.č. broj: 401 K.O. Donja Koprivna (podaci starog premjera), Grad Cazin.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske pumpne stanice sa pratećim sadržajima (za koje je izdano odobrenje za građenje i upotrebna dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnim rezervoarima uz primjenu sistema automatske dojava o procurenju međuplašnog prostora, kapaciteta 4x60 m³.
 - 3.3. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema zaključenom ugovoru.
 - 3.4. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih i pretakališnih površina nesmetano sakupljaju i odvoze do objekta predviđenog za tretman tehnoloških otpadnih voda (separator ulja i masti i taložnik), a zatim tretirane vode ispuštaju u recipijent – kanal odvodnje oborinskih voda.
 - 3.5. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.6. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
 - 3.7. Prečišćene oborinske onečišćene vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).

- 3.8. Da se redovno vrši monitoring prečišćene oborinske onečišćene vode iz okna za monitoring shodno članu 19. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.9. Talog iz separatora kao ni ostali opasni materijal i opad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „BENS - ES“ d.o.o. Cazin je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „BENS - ES“ d.o.o. Cazin, obratilo se ovoj Agenciji dana 10.06.2021. godine zahtjevom za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Donja Koprivna, Grad Cazin.

U provedenom postupku, uz zahtjev za izdavanje vodne dozvole dostavljena je i pregledana dokumentacija:

- Ovjerena kopija rješenja o registraciji, izdano od strane Općinskog suda Bihaću, broj: 017-0-Reg-11-000664, dana 26.10.2011. godine,
- Ovjerena kopija uvjerenja o registraciji/upisu u Jedinstveni registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine pod brojem: 04/1-17-1-UPJR/1-5634-2/17, dana 18.09.2017. godine, u Banjaluci,
- Ovjerena kopija Uvjerenja o poreznoj registraciji, izdano dana 25.10.2002. godine od strane Federalnog ministarstva finansija - financija, Porezne uprave – Kantonalni ured UNSKO-SANSKI,
- Kopija naloga za plaćanje upravne pristojbe i federalna administrativna taksa,
- Kopija Ugovora o zakupu, zaključen sa zakupodavcem – Mustafom Bajramovićem dana 03.01.2018. godine, u Cazinu, sa rokom važenja do 31.12.2021. godine,
- Kopija rješenja o vodnoj dozvoli, izdano od strane AVP Sava pod brojem: UP-I/25-3-40-505-5/15, dana 27.11.2015. godine,
- Kopija Zapisnika o čišćenju separatora; izdan od strane DELTA PETROL d.o.o. Kakanj pod brojem 2100/20-DS, urađen dana 03.12.2020. godine,
- Kopija Kopije katastarskog plana, izdana od strane Sektora za prostorno uređenje, katastar i imovinsko-pravne poslove opštine Cazin, dana 16.03.1997. godine, u Cazinu,
- Izvještaj o monitoringu kvaliteta i kvantiteta otpadnih voda benzinske pumpe „BENS-ES“ Cazin; urađen od strane Inspekt - RGH d.o.o. Sarajevo pod brojem: 49/21 od 19.01.2021. godine,

- Kopija Rješenja o okolišnoj dozvoli, kojim se izdaje obnovljena okolišna dozvola operatoru "BENS-ES" d.o.o. Cazin za objekat benzinske pumpe koji se nalazi u naselju Donja Koprivna br. 1, općina Cazin, na zemljištu označenom kao k.č. broj: 107/1 K.O. Cazin (novi premjer), odnosno k.č. broj 401 k.o. Donja Koprivna (stari premjer), kapaciteta spremnika za gorivo 240 m³; izdano od strane Ministarstva za građenje, prostorno uređenje i zaštitu okoliša Unsko-sanskog kantona, pod brojem 11-23-14666-UP-1/17,
- Kopija rješenja, kojim se daje urbanistička saglasnost investitoru Bajramović (Sejdo) Mustafi iz Donje Koprivne, za izgradnju benzinske stanice, na zemljištu označenom kao k.č. broj: 107 k.o. Cazin (podaci novog premjera), što po starom katastarskom operatu predstavlja k.č. broj: 401 k.o. Donja Koprivna; izdano od strane Sektora za prostorno uređenje, katastar i imovinsko-pravne poslove opštine Cazin pod brojem 05-364-131/97, dana 20.04.1998. godine, u Czinu,
- Kopija rješenja, kojim se daje investitoru Bajramović (Sejdo) Mustafi iz Donje Koprivne odobrenje za upotrebu benzinske stanice, u naselju Donja Koprivna; izdano od strane Odjeljenja za urbanizam i razvoj Službe za urbanizam, katastar, stambeno-komunalne, geodetske i imovinsko-pravne poslove opštine Cazin pod brojem: 05-23-575/99, dana 29.03.1999. godine, u Czinu,
- Glavni projekat benzinske pumpe; urađen od strane INŽINJERING BIROA „UNA“ Cazin pod brojem 12/98, dana 08.06.1998. godine (vraćen pri uviđaju na objektu),
- Kopija Ugovora o zakupu, zaključen sa Mustafom Bajramovićem iz Donje Koprivne, na vrijeme trajanja do 31.12.2021. godine, u Czinu dana 03.01.2018. godine,
- Kopija Ugovora o zakupu, zaključen sa Mustafom Bajramovićem iz Donje Koprivne, na vrijeme trajanja do 01.06.2027. godine, u Czinu dana 01.06.2021. godine,
- Zaključak o visini i roku za plaćanje posebnih troškova, izdan od strane Agencije za vodno područje rijeke Save Sarajevo pod brojem: UP-I/25-3-40-259-2/21, dana 21.06.2021. godine te kopija naloga za plaćanje istih.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske pumpne stanice sa pratećim sadržajima „BENS - ES“ d.o.o. Cazin, u naselju Donja Koprivna, Grad Cazin, i tom prilikom sačinjen zapisnik o uviđaju broj: UP-I/25-3-40-259-3/21, dana 28.03.2021. godine.

Objekt benzinske pumpe sa pratećim sadržajima „BENS - ES“ d.o.o. Cazin je lociran u naselju Donja Koprivna, sa desne strane regionalne ceste R401b Gnjilavac - Brigovi.

Objekt se sastoji od nadstrešnice sa automatima za istakanje goriva, maloprodajnog objekta sa sanitarnim čvorom, upravnim prostorijama, podzemnih čeličnih dvoplašnih spremnika za gorivo, te manipulativnog asfaltiranog prostora i zelenila. Objekt se nalazi na terenu u nagibu ka trupu regionalne ceste, u pravcu Bužima. Na internim saobraćajnim i pretakališnim površinama na čijem su ulazu i izlazu sa platoa na magistralnu cestu ugrađeni ulični slivnici, a na razdjelnici pretakališnih od manipulativnih površina, na nižoj strani platoa, su ugrađene linijske slivne rešetke.

Gorivo se drži uskladišteno u ukopanim spremnicima sa dvostrukom stijenkom i primjenom sistema automatske dojava o procurenju međuplašnog prostora.

Sanitarne otpadne vode iz objekta upravne zgrade su kanalizacionim cijevnim sistemom priključene na septik. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom odvedene do ispusta na zelenu površinu. Zauljene - onečišćene oborinske vode, koje nastaju na prostoru internih saobraćajnih i pretakališnih površina, se nakon tretmana u separatoru ulja i masti ispuštaju u kolektor oborinske kanalizacije. Manipulativni prostor za tankovanje i pretakanje je betoniran.

Priložen je izvještaj o mjerenju kvaliteta otpadnih tehnoloških voda, urađen januara 2021. godine, koji pokazuje da su parametri u okviru dozvoljenih vrijednosti propisanih Uredbom.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva, „BENS - ES“ d.o.o. Cazin, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

**Po ovlaštenju**
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- „BENS - ES“ d.o.o. Cazin, Donja Koprivna br. 1, 77 220 Cazin,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava